

TIHA BORBA DIPLOMANTA: RAD U IZBORNOJ KAMPANJI STRANKE KAO PREDUSLOV ZA ZAPOSLENJE

Diplomant pred iskušenjem stranke zarad posla u struci

Diplomantu (27 godina) je uoči opštih izbora 2022. godine obećan posao u struci od strane vladajuće stranke u njegovoj lokalnoj zajednici. Međutim, obećanje je bilo uslovljeno obavljanjem raznih stranačkih zadataka u izbornoj kampanji. Da bi konačno dobio posao za koji se obrazovao i započeo svoju karijeru, osjećao se prinuđenim prihvatiti ponudu stranke jer nije vidio drugog načina za zaposlenje. Shvatao je da stranka ima veliku moć u odlučivanju ko će dobiti posao u javnoj ustanovi.

Starija lica i penzioneri ciljna kao grupa njegovog stranačkog zadatka

Navodi kako nekoliko mjeseci prije izbora započeo sa obavljanjem zadataka u svojoj mjesnoj zajednici koje mu je stranka naložila, nadajući se da će dobiti obećani posao.

"Moj zadatak bio je da agitujem za svoju političku partiju, prenosim razmišljanja sugrađana iz svoje mjesne zajednice i da podnosim izvještaje izbornom štabu na sedmičnom nivou. Prioritet mog djelovanja bila su starija lica i penzioneri kao ciljna grupu koja mi je dodijeljena od strane izbornog štaba." - navodi diplomant.

Prazna obećanja stranke

Nakon izbora, ispostavilo se da su uvjerenja o zaposlenju, koja su

ovisila o njegovom doprinosu izbornoj kampanji, bila prazna obećanja. Uprkos tome što je vladajuća stranka zadržala svoju dominaciju na višem nivou vlasti, diplomant je i godinu dana nakon izbora ostao nezaposlen. Iako je pokleknulo pod pritiskom stranke, u nadi da će dobiti posao, bilo je uzaludno.

Sistemski pritisak na društvo

Razočaran raspletom događaja, naglašava da su ovakve situacije uobičajene, ističući da stranka kontroliše zaposlenje u svim javnim ustanovama u kojima bi se mogao zaposliti. Diplomant je osudio cijelu situaciju ne kao izolovani incident, već kao obrazac koji se ponavlja, i navodi da je svjestan da se još mnogo ljudi našlo u sličnim kompromitirajućim pozicijama.